

Adresseinformasjon fylles inn ved ekspedering. Se mottakerliste nedenfor.

Vår dato: 08.04.2024

Vår ref.: 201506897-9 Oppgi ved kontakt

Dykkar ref.:

Saksbehandlar: Johan Otto Munkeby

E-post: jomu@nve.no

Høyring - Detaljplan for miljø og landskap - Gravdalen kraftverk - Lærdal kommune

I brev datert 14.03.2024 mottok Noregs vassdrags- og energidirektorat (NVE) detaljplan for miljø og landskap frå Østfold Energi AS for bygging av Gravdalen kraftverk i Lærdal kommune, Vestland fylke. Vi sender no detaljplanen på høyring, og vi ber om at merknader til planen vert sendt til NVE seinast innan 29.04.2024.

Konsesjonen ligg fast

Løyve til å bygge Gravdalen kraftverk vart gitt i kgl.res datert 13.02.2015. I vedtak datert 30.06.2023 vart byggjefristen utsett med 5 år, til 15.02.2025. Konsesjonen ligg til grunn for denne høyringa og sjølve konsesjonsspørsmålet er difor ikkje gjenstand for ny høyring.

Korleis følgjer NVE opp detaljplanen for miljø og landskap?

Detaljplanen for miljø og landskap som er lagt fram skildrar korleis det er planlagt å bygge det konsesjonsgitte anlegget. Bygging av anlegget er underlagt offentlig tilsyn. Det er NVE som utøver tilsynet og jf. post 5 i konsesjonen skal vi godkjenne detaljerte planar for miljø og landskap før arbeida tek til. Vi kontrollerer at arbeida skjer i samsvar med konsesjonsvilkår, godkjende planar, og at anleggsområda vert rydda forsvarleg opp og sett i stand.

Kva ønskjer vi tilbakemelding på frå høyringspartane?

Det er snart ni år sidan Gravdalen kraftverk fekk konsesjon, og vi sender plan for landskap og miljø på avgrensa høyring for å fange opp eventuelle endringar i kunnskapsgrunnlaget.

I same tidsrom har søknad om oreigning blitt sendt på høyring, samt detaljplan for miljø og landskap for kraftleidningen. NVE ber om at fråsegn og kommentarar til oreigning og kraftleidning blir sendt til dei respektive sakene, og ikkje blir tatt opp i denne saka med mindre det er ein klar samanheng.

Detaljplanen er tilgjengeleg på NVE sine nettsider: www.nve.no/5063/V.



Konsesjonær har utarbeida ein rapport som tek for seg skredfare for anlegget og planlagt deponi. Denne rapporten leggst ut på same lekkje som ovanfor så snart den er ferdig, viss ikkje kan den ettersendast ved ein førespurnad til hjl@ostfoldenergi.no.

Vi ber høyringspartane om å uttale seg om relevante tema innafor dykkar forvaltningsområde og behov for særskilde løyve eller dispensasjon innafor forvaltningsområda dykkar.

Frå Miljødirektoratet ber vi om ei oppdatert plan for når villreinen er tenkt reetablert i området, samt andre relevante problemstillingar knytt til reetablering av villreinen.

Konsesjonæren har ansvar for å avklare privatrettslege forhold med alle som har rettar i området, og for å innhente nødvendige løyve etter anna lovverk før arbeida tek til.

Forholdet til plan- og bygningslova

Vassdragsanlegg med konsesjon etter vassdragslovgjevinga er med heimel i forskrift om byggesak § 4.3 unnatekne frå byggesakshandsaming etter plan- og bygningslova. Detaljplanen for miljø og landskap skal vere avklart i forhold til kommuneplanen sin arealdel eller gjeldande reguleringsplanar. Vi gjer merksam på at vilkåret for å gi dispensasjon alltid vil vere til stades for tiltak som har konsesjon etter vassressurslova, vassdragsreguleringslova eller energilova, jf. Lovkommentar til plandelen av plan- og bygningslova, revidert utgåve 2022.

Frist for høyring er 29.04.2024

Send fråsegna til uttalelse@nve.no, og merk henne med «Fråsegn» og saksnummer 201506897 i emnefeltet.

Som del av NVE si handsaming vert fråsegner, eller deler av fråsegner, referert i utgåande brev. Dersom ho er lang er det ein fordel at det vert utarbeidd eit samandrag som kan brukast til dette. Uttalar er offentlege dokument. Sentrale saksdokument vert lagt ut på NVE sine nettsider.

Med helsing

Mari Hegg Gundersen
seksjonssjef

Johan Otto Munkeby
førstekonsulent

Dokumentet sendes utan underskrift. Det er godkjent etter interne rutinar

**Mottakarliste:**

LÆRDAL KOMMUNE

MILJØDIREKTORATET

Sogn og Fjordane Turlag

Villreinnemnda for Nordfjella, Fjellheimen og Raudafjell

Lærdal fjellstyre

STATSFORVALTAREN I VESTLAND

VESTLAND FYLKESKOMMUNE

Kopimottakarliste:

ØSTFOLD ENERGI AS

ØSTFOLD ENERGI AS - Magne Netland

Heine Johannes Linga